



Albion magnæ fortitudinis & prudentiæ Saxoniæ princeps extitit, cū Carolus Magnus rerum gubernacula teneret. Præsidebat Albion in ea Saxoniæ regione quæ ultra Albim fluium sita est, cum Videkindus cis Albim rerum potiretur. Itaque Carolus hunc Albionem post diuturnum bellum ad se uocatum, sua mansuetudine eò rediguit, ut Christianam religionem susciperet, atque idolorum cultum relinqueret. Hoc modo factum ut Saxonia pacem recuperarit, atque sub Vitekindo & Albione ducibus religione & pietate plurimum proficeret. Vnde etiam huic principi posteritas Saxonum plurimum debet. Alb. Crantz. in Sa-